

## ԱՅՍ ԿԱՆԱԶ ԿԱՐՄԻՐ ԱՇԽԱՐԴԸ

Աշնան պայծառ ու պաղ այգին դարավանդների վրա: Տերևաթափ խնձորենիների տակ, խնձորենիների շարքով, ծխում են խաշամի կույտերը, մոմի պես ուղիղ երկու ջահել տանձենի կարմրած տերևներով բոց են շատրվանում, միակ ուշացած արևածաղկը կախել է գլուխը: Մերկ խնձորենու վրա մի ծիտ գտել է իր վերջին խնձորը և կտցահարում է հրճվանքից իրեն կորցրած: Սիմինդրի չորացած տերևները թերև քամուց թիթեղաձայն խշրտում են:

Ծերունին հանում ու դարսում է խչմարները, որոնք հինա անիմաստ են, որովհետև դիմիարում են դատարկ ճյուղերի: Դանդաղ ու գուրգուրանքով՝ ծերունին հանում ու դարսում է խչմարները քարեցանկապատի տակ, գալիս է հանելու նոր խչմարներ: Եվ այդ ժամանակ, կարծես մի քիչ հեռվից ու խոլ, ծերունին լսում է վերջին խնձորը գտած ծտի ծլվլոցը, վերև է նայում երկար և, վերջում, կարծես թե ճիգ է անում մի բան հիշելու:

Ծերունին հանում է խչմարները, տանում դնում պատի տակի կույտին:

Ծառի ճյուղը քսվում է ծերունու ծոծրակին: Ծերունին շոյում է ծոծրակը և, մատների համան հետ, մի պահ տեսնում է.

Յոթ-ութ տարեկան մի տղա-երեխա, թասը ձեռքին, ծնկների վրա դուրս է պրծնում խնոցու տակից դեպի արև դուրս, ուր կանգնած ծիծաղում է յոթ-ութ տարեկան մի աղջիկ-երեխա:

Մի ձեռք թերև իրում է խնոցու տակից դուրս պրծնող տղայի ծոծ-

րակը, շեմքին, արևի մեջ, ցոլք տալով ցայտում է սպիտակ թանը, աղջիկ-երեխան ծիծաղելով բերանին է տանում թասը, տղան ծոծրակը տրորելով ետ է նայում՝ խնոցի հարող ջահել կանանցից մեկը ժպտում է ներսի ստվերի մեջ:

Խնձորենու տակ ծերունին իջեցնում է ձեռքը ծոծրակից, հիշողության խնոցու խոլ ճողփյունը մարում է, ծերունին մրմնջում է կարծես թե դեպի տեսիլքը.

- Այ մե՞ր...

Ծերունին հանում է խչմարները, դարսում կույտի վրա:

Ծերունին թափահարում է տանձենիները, տերևը թափվում է, և թափահարման հետ մի պահ լսում է հնօրյա խշշոցը:

Ծերունին վառում է տանձենիների խաշամը, հիմա ծուխս են տալիս այգու բոլոր տերևակույտերը, օրորվում են խաղողի վազերը, ծերունին մոտենում է սիմինդրի ցողունին, դանդաղում է և ականջ դնում:

Թիթեղաձայն խշրտում են սիմինդրի չորացած տերևները. խշրտոցն ուժեղանում է, լայն բացված աչքերով ծերունին տեսնում է.

Յիմա խշրտում է ուղիղ կանգնած սիմինդրի արտի «պատը», Սոնան, տագնապոտ և զգույշ, «պատին» համարյա քսվելով, գալիսգալիս և կանգ է առնում, գալիս է արագ ու զգույշ և կանգ է առնում:

Տեսիլքը դեռ չի անցել. ծերունին կանգնած է չոր ցողունի մոտ և նայում է վշտով ու երջանկությամբ: Օդը չի բավականացնում, ծերունին շարժում է շրթունքները՝ ձայն չկա: Եվ թողնելով սիմինդրի չորացած ցողունը, ծերունին առաջանում է դեպի հնձանը, հնձանի դռան խաղողի վազը:

Ծուխս են ծխում խաշամի կույտերը, լուր օրորվում է ուշացած

միակ արևածաղիկը. թերևն քամու մեջ թվթվում է սիմինորի չոր ցողունը, օրորքի հետ մեղմ երգում է այգու դրնակը, բարակ առուն լռել է խաշամի տակ...

Ծերունին նստում է ցամաք առվի եզրին, ործաքարե ժայռի տակ, որի միջով անցնում է առվի բարակ հունը: Եվ նրա նստելու հետ՝ թան խմող աղջնակը մնացորդը շպրտում է թան տվող տղեկի երեսին, տղան սրբում է աչքերը, իսկ աղջիկը, թասը ցած է դրել, փախչում է:

Ծերունին երանությամբ սրբում է դեմքը:

Աղջնակը շպրտում է թանի մնացորդը և փախչում: Մեջքը ծեծող մազերը մերթ շատ մոտիկ են, տղայի ձեռքը կարծես թե հասնում է, հետո հեռանում են, աղջիկը հեռանում է, վազում, վազվզում, ծերունու հիշողության դեմ բազմապատկվում, դառնում շատ աղջնակներ, որոնցից մեկը վազում է դեպի հովտի միակ կակաչը, հոգնա՝ մեկը բարձրանում է հովտից, մեկը ծամածոռություն է անում, մյուսը կանգնել է թերթահան կակաչը ձեռքին և խոռված թոթվում է ուսը, մեկն ահա շուր եկավ և հեռանում է աղջնակի նազանքով, իսկ մյուսն ահա ետ-ետ է անում անընդիատ շրբունքների նոյն շարժումով. և այս բոլորի վրա՝ ծերունու գուրգուրոտ շշունջը.

- Սոնա՝...

Սոնան հիմա մեկ է, վազում է, երբ այն է պիտի բռնվի՝ ընկնում ու ճչում է:

Ծերունու շշունջը. «Սոնա՝»:

Սոնան մանկան դերասանությամբ կանգնում է դժվա՛ր-դժվար, և ոտքը շա՝ տ, շատ է ցավում, հեռանում է մանկան դերասանությամբ սաստիկ կաղալով, ապա վազում է միանգամից ու ծիծաղում: Ծիծաղող Սոնան նստել է առվի եզրին, ոտքերը ջրի մեջ: Քթին ցեխս քսած Սոնան սատանայի պողեր է անում և ծիծաղում: Սոնան շորը գլխին, իբր թե քողը երեսին՝ հարս է ձևանում ու ծիծաղում: Իբր թե պարում է

իարսի պար և ծիծաղում: Երեխա Սոնան ձևանում է մեռած աղջիկ և նայում կոպերի ճեղքերից: Եվ չի ծիծաղում, իբր թե լուրջ է մեռել, իբր թե հաստատ է մեռել, ահա այսպես, չի շարժվում ու վերջ: Դիլանի ձեռքով բացվող կոպը նորից վար է բերում և վերջ: Դիլանի ապտակը չի գտում և վերջ՝ քիթն ու կզակը ցցել ու մեռել է: Մեծ Սոնան պառկել է մեռած, և դա խաղ չէ. նրա վրա երգ ու լաց են մրմնջում կանացի ձայները: Յետո Երեխա Սոնան հանկարծ վրա է թռչում, խփում Դիլանին ու փախչում:

Երեխա Սոնան պահանջում է: Սոնան անպայման պահանջում է, Սոնան խռովում է, ուսերը շարժում և շուր գալիս: Շուր եկած Սոնան թաքուն ժպտում է:

Քարե ցանկապատ է, քարի վրայից գնում են մամխի փշոտ չոր թփերը, ցանկապատի մյուս կողմում հազիվ երևում է խնձորի կարճիկ ծառը՝ մի հինգ-վեց խնձորով: Ահա թե ինչ է պահանջում Սոնան: Ծառի տակ մրափ է մտել բրդոտ գամփոը:

Հուսահատ Դիլանը ետ է նայում ցանկապատի մոտից՝ խռովվան Սոնան կանգնել է ձիերի սանձերը բռնած և պահանջում է, անպայման պահանջում է, եթե Դիլանը չբերի, Սոնան լաց կլինի:

Ծառի վրա մի քանի խնձոր է, ծառի տակ գամփոն է, և ոչ մի հնար չկա: Շոգ է, շրջապատը խանձված է, միակ ստվերը խնձորենունն է, և խնձորներն ել երևի շատ համեղ են: Քարը դուրս է պրծնում ոտքի տակից, ահարկու գամփոը կանգնում ու հաչում է, և խռոված Սոնան քաշում է իր ձին:

Անստվեր արկի մեջ նրանք քաշում են ձիերը, իջնում են ձորը, որտեղ ձիերն իրարից խլելով ցամաքեցնում են փոսի ջուրը, ապա քարի մոտ ձիերը կանգնեցնում են, Դիլանն օգնում է Սոնային հեծնելու իր ձին, ապա ինքն է նստում և նեղ ոլորաններով ելնում են սա-

րահարք՝ ոեպի դեղին արտերը:

Արտերը շոգ էին և տաք լույս էին արձակում: Եվ այդ շոգը հառնում էր և նրանից՝ որ հնձվորները սև հագուստով էին ու օձիքները կոճկած, և նրանից՝ որ հնձվորի ետևից խուրձ կապող կինը մի աչքը փակել էր, թերը կանթել ու չէր շարժվում երկար, շատ երկար, և թե՝ որ ջրի գնացած երեխան օրորվում էր հեռուներում մի տեղ, մոտենում էր շատ դամդաղ և բգեզի չափ էր: Հնձվորն ուզեց երկի ջղայնանալով շտապեցնել ջրից եկող երեխային, բայց հուսահատ ժպտաց և շարունակեց հնձել:

Սոնան, թաքուն, հնձվոր հորը տվեց մի հատիկ սալոր, հայրն ուզեց ետ տալ՝ Սոնան խռովելով ուսերը շարժեց, հայրը կծեց սալորի կեսը, կեսը տվեց Սոնային, և նա պահեց ձեռքի մեջ, և այդպես էլ Դիլանը չտեսավ՝ նա սալորը հինա կերա՞վ...

Զիերին խուրձ բարձեցին, հետո երեխաները քաշելով տարան ձիերը:

Քարոտ զարիթափ ու զարիվեր արահետը նեղ էր: Զիերը գնում էին զգույշ, որովհետև բորիկ էին, իսկ ճանապարհը կոշտուքար էր:

Զիերը ձորում, հին առվի տեղը, իզուր էին ջուր փնտրում՝ չարչարելով երեխաներին էլ իրենց հետ: Ջուր չկար, ձիերի միակ անելիքը իրենց զարիվերը ձգելն էր:

Կալերը զարիվերի գլխին էին, սպիտակ էին կալերը: Արջառները կալերում կամն էին պտտում, արջառների հետ կալերում պտտվում էին ծերունիները, զտիչի աղմուկից խուլ մի մարդ ժպտում էր Սոնային, դեզի կարծ ստվերում ննջում էր մի ծծմայր, տաք կարմիր ծնկներով ջահել մի կին քամուն ցորեն էր տալիս, և մղեղը նստում էր շատ մոտիկ, որովհետև քամի չկար: Դեզի ստվերում լաց եղավ կրծքի երեխան, ննջող ծծմայրն արթնացավ և փոխեց կուրծքը:

Իսկ արջառներն ալարելով պտտվում էին դարավանդ առ դարավանդ տաշված կալերում:

Զիերը բերնարափեցին, խրձերը շպրտեցին դեզի գլուխը, ուր, մինչև կուրծքը հասկի մեջ թաղված, տարիքոտ տղամարդը դասավորում էր խրձերը և աչքերը խուփ ու բերանը բաց սպասում նոր խրձի:

Պարանները հավաքեցին, կապեցին թամբերից, ձիերը տվեցին երեխաներին: Սոնան ծծմոր մոտ էր, երեխային թե ծծմորն էր տալիս մի բան՝ երևի սալորի կեսը:

Նեղ, շոգ արահետով իջան իրար ետևից, ձիերը ծորում դարձյալ ջուր փնտրեցին, հետո ելան զարիվերը, և Սոնան դանդաղեց ու կանգնեց: Արար աշխարհի միակ ցանկալին խնձորի նույն ծառն էր հինգ-վեց հատիկ խնձորով: Բրդոտ շեկ գամփոզ դարձյալ նրա տակ մրափում էր: Երեխաները երկար կանգնեցին ցանկապատի տակ ու երկար նայեցին խնձորներին: Եվ երբ ձիերը քաշելով շարժվեցին, դարձյալ ետ-ետ էին նայում, և աշխարհի ամենացանկալին այդ խնձորներն էին:

Յասան այն քարին, որի վրայից հեծնում էին ձիերը: Դիլանը իր ծիու սանձը կապեց մյուս ծիու թամբից, Սոնային օգնեց հեծնել և հետո քարի վրայից ինքն էլ հեծավ նույն ծիու գավակին, ու աշխարհը լցվեց Սոնայի մազերով ու պարանոցով: Յետո աշխարհը լցվեց Սոնայի խուլ ծիծաղով:

Յասան արտեր, գնացին արտերով: Այնտեղ տղամարդիկ հնձում էին, կանայք հավաքում էին խրձաչափ-խրձաչափ, տղամարդիկ, ետ-դարձին, կապում էին խրձերը: Սոնայի հայրը նայեց երեխաներին ու ժպտաց գերանդին պտտելուց առաջ, նրա ետևից եկող կնոջ՝ Սոնայի մոր ժահիտը կիսատ մնաց, խուրծ կապող ջահել մի տղամարդ երե-

խաներին նայեց անցողակի, հետո՝ երկար: Զիուց Սոնան իջավ, Դիլանն արձակում էր իր ձիու սանձը մյուս թամբից: Սոնայի մայրը, միքի բարկացկոտ, կարծ մի բան պատվիրեց աղջկան, հետո հավաքել շարունակեց իր արտը:

Խուրծ կապող երիտասարդը դեռ նայում էր Սոնային, և Սոնայի շորը կարծ էր, չեր ծածկում ծնկները՝ որ իհմա լիքն էին, և Դիլանն էլ նայեց Սոնային, հետո՝ երիտասարդին, հետո՝ դարձյալ Սոնային ու կարծես թե հասկացավ, որ Սոնան արդեն աղջնակ չէ, աղջիկ է:

Զիերը բարձել էին, նրանք քաշեցին ձիերը թեժ արտերի միջով, շոգ արահետով մինչև շոգ կալը: Արջառները հասկ էին կալսում, կալում կուրացնող լույս էր, տաք ծնկածալերով հարսը շատարար բարձրացրել էր գլխից վեր ու ցորեն ու մղեղ էր քամիարում: Ծծնայրը երեխային տվեց Սոնային, ինքը դեզի կարծ ստվերում փուեց խանձարուրի շորերը, Սոնան երեխային գրկեց կիա, հետո երեխային կրօքից հեռու պահեց, և վախենում ու ծիծաղը գալիս էր: Ու շորը կարծ էր, չեր ծածկում ծնկները, որոնք իհմա լիքն էին:

Զորի մոտ, ետ դառնալու ժամանակ, Դիլանը պահեց նրա ձին, օգնեց հեծնել, հետո ուզեց կապել իր ձիու սանձը նրա ձիու թամբից, Սոնան չքողեց:

- Ամոք Է,- ասաց:

Արտերում ձիերը բարձեցին, Սոնան քաշեց իր ձին, իսկ Դիլանի ձին կանգնած էր և քաշող չուներ, Դիլանի հայրը նայեց՝ Դիլանը ծնկել էր և խուրծը խեղբելով կապում էր: Դիլանը կապեց խուրծը, ցից դուեց և նայեց հորը. և Դիլանը իհմա հասուն տղա էր: Զիու ետևից գնաց ու քաշեց Դիլանի մայրը, իսկ Դիլանը առավ հոր գերանդին: Հայրը նայում էր թերահավատ, հետո ժպտաց, հետո պարզվեց, որ չեր ժպտում, այլ կարծես թե լաց էր լինում: Հետո

հայրը ելավ, համարյա թե զոռով առավ գերանոին Դիլանի ձեռքից և հնձեց իբր թե կտրիճավարի և ուժը տեղը մարդու պես, բայց հնձում էր ծիգով. ի վերջո մոռացավ, որ կտրիճավարի է հնձում ի տես Դիլանի և անցավ հանդարտիկ շեշտի: Դիլանը կանգնել էր ձեռքերը կոնքերին, իորը նայում էր մտածելու, հետո կապեց վերջացրեց նրա հնձածը և գերանոին առավ նրա ձեռքից: Յայրը գերանոին սրեց և տվեց որդուն:

Սա գնաց թափով, թիկունքը լայն ու ագահ:

Եվ բոլոր հնձվորներն ու հավաքողները կանգնել Դիլանին էին նայում:

Եվ չէր հասկացվում Սոնան սիրո՞ւմ է թե չի սիրում Դիլանին, որովհետև հասած շոգ արտում լույսը կուրացնում էր, և նա խրձի վրա նստել էր աչքերը նեղ նեղացրած, իսկ երբ գերանոին սրող Դիլանը նայեց նրան, և նա հասկացավ, որ Դիլանը զգացել է, որ ինքը նայում է նրան, նա այդ ժամանակ գլուխը թեքեց ուրիշ կողմ:

Քար կար արտում, Դիլանի գերանովի բերանը քար ընկավ: Դիլանը ծեծեց ջարդվածքը, սրեց սրոցով և գերանոին պտտեց լիաթափ ու լայն շարժումով՝ դարձալ քար կար արտում և Դիլանի գերանոին ջարդվեց: Եվ գերանովի կոտրած կոթը ձեռքին, Դիլանը շուր եկավ իր անհաջողության վրա չարացած ու ծիծաղելով: Եվ Դիլանը տեսավ, որ Սոնան իրեն նայում էր ու աչքերը փախցրեց:

- Արի, արի,- ձեռքով արեցին Դիլանին հեռու շոգ արտից՝ ուր հնձում էին շատ տղամարդիկ,- արի գերանոի տամ:

Դիլանը գնաց, սրեցին ու գերանոի տվեցին ձեռքը և գցեցին իրենց առջև ու իրենք հնձեցին նրա ետևից: Նրանք գալիս էին Դիլանի թիկունքին շնչելով, նրանց հկքը Դիլանի ականջների մեջ էր, Դիլանը լարվում ու չէր կարողանում ետ թողնել նրանց, և խեղդող շոգ էր ու կուրացնող լույս: Օդը չէր բավականացնում, իսկ նրան

սեղմում ու սեղմում էին թիկունքից:

Կալերում շոգ ու մղեղ էր, քամհար մեքենան կրկնում ու կրկնում էր նույն աղմուկը, և ծիերը, վազքով, պտտում էին կամերը: Կալի կենտրոնում, ծիերի երկար կապերը ձեռքին, ծիերին քշում էր Դիլանը, և աշխարհը թեքն ու լավն էր, որովհետև, պտույտների հետ, ահա այնտեղ ցորեն ու մղեղ էր շաղում տաք ազդրերով հարսը, այնտեղ, զտիչի աղմուկից խուլ, բարի ժամանում էր քամհար պտտողը, դեզի կարծ ստվերում երեխայից սուտ դժգոհում էր ծծմայրը, այնտեղ մյուս կալում վիզների ու ծոցների մղեղը սրբում էին կալը հավաքած-կիտած կանայք, այնտեղ կողքի կալում Սոնան փայտե եղանով խառնում էր հասկը:

Յոզնած ծիերն ամեն պտույտում դանդաղում էին, և Դիլանն ամեն անգամ սուլում ու շխկացնում էր մտրակը: Զիերը մի քիչ գնում էին արագ, հետո դարձյալ դանդաղում: Իսկ կալերից մեկում կամին լծված արջառը նստել էր ու չէր ելնում: Մի տղամարդ քարշ էր տալիս լիքը պարկը. նրան օգնեցին շալակել, և նա գնաց պարկի տակ ճկուած: Մազոտ մի տղամարդ հարդի կույտի մոտ եղանի պոչը դիմհարել էր ծնոտին ու տխուր նայում էր: Ցորեն ու մղեղ շաղող հարսը կռացել էր լցնելու շատարարը, ելավ, շատարարը բարձրացրեց գլխից վեր ու շողը ու խշշոց մահեց: Դեզի շվաքում քնել էր կոնքը բարձր մի կին: Զիուն մեծ ջվալներով բեր էին դնում, ջվալը շուր եկավ բարձող տղամարդու գլխին, միջի հարդը թափվեց, և տղամարդը մաքրում ու մաքրում էր ծոծրակը, ուսերը, խոր մեջքը:

Սոնան գետակում լողանում էր: Զուրը քիչ էր, նվազած ջրվեժիկը հիմա-հիմա կմարեր, ջրվեժիկի տակ ջուրը խոր չէր: Գետակի մեջ ծնկած, Սոնան լողանում էր, Սոնան լրիվ հասուն աղջիկ էր: Զուրը

Դուրեկան էր, դուրեկան էր և իր մարմինն զգալը: Թաղվեր, թաղվեր ջրի մեջ, բայց ահա նրա ամեն շարժման հետ ջուրն ալիքվում էր, և լճակի բերանը կպատռվեր, ճնբերը դուրս կթռչեին: Սոնան լողանում էր զգույշ ու վախվորած այն պատճառով, որ ճնբերը իհմա կքշվեին, լճակը դուրս կհոսեր՝ մերկացնելով Սոնային մորից մերկ, և կարծես թե օտար աչք կար այդտեղ: Սոնային կարծես թե նայում էին: Սոնան ետ ընկավ ու ջրով ծածկվեց մինչև բուկը:

Դիլանը գլուխն իջեցրեց գետնում թաղվելու չափ, որովհետև Սոնայի աչքից պահող քարը փոքր էր:

Սոնան լողանում էր՝ մինչև կուրծքը ջրի մեջ: Եվ սպասում էր լճակի քանդվելուն էլ, ուրիշ աչքի մերկայությունն էլ կարծես զգում էր: Սոնան տեսավ Դիլանին:

Դիլանը տեսավ, որ Սոնան իրեն տեսել է՝ ոտքի ելավ: Մի պահ մնալով կանգնած, կարկամ քայլերով Դիլանը գնաց դեպի լճակը, ուր մարմինը ջրով թաքցրել էր վախեցած Սոնան: Դիլանը կանգնեց նրա շորերի մոտ, բայց չկարողացավ նայել նրան. հայացքը տարավ նրա վրայով, բերեց նրա վրայով և հիմարավուն ժպտաց: Իսկ Սոնան չէր ժպտում և սպասում էր, և նրա սպասումը կամաց-կամաց լցվում էր բողոքով: Միանգամից, իրենից արագ, Դիլանը թեքվեց ջրի վրա ու քանդեց գետակի բերանը: Զուրը դուրս նետվեց, և հպանցիկ կողքի նայելով՝ Դիլանը տեսավ ջրի մեջ դանդաղ բարձրացող նրա մերկությունը և զայրույթը: Սոնան կանգնեց ջրի մեջ, և Դիլանը ամաչեց նրա մերկությունից ու աչքերից: Դիլանը շուր եկավ: Շուր եկած Դիլանն սպասեց մի քիչ, կարծես թե ուզեց ետ նայել, կարծես թե նայեց էլ, հետո հեռացավ:

Սոնան դուրս եկավ ջրից, շորը վիզն անցկացրեց, և հիմա այլևս վախենալու և զայրանալու քիչ բան կար: Նա նայեց հեռվում կանգնած Դիլանին, և կամաց-կամաց բացվեց նրա կանացիական

ժպիտը: Իսկ որ կոշիկի մի հատը չկար՝ դա քնքշություն ու սեր էր բերում դեպի Դիլանը:

Մի ոտք բորիկ՝ նա առաջանում էր դեպի Դիլանը: Տուր, չխնդրելով խնդրում էր կոշիկը, խնդրելով բողոքում, ի՛, նեղանում էր Դիլանից, կանգնում՝ երբ կանգնում էր ետ-ետ անող Դիլանը, դանդաղ առաջանում՝ երբ Դիլանը, կոշիկը ձեռքին, ետ-ետ էր գնում: Տո՞ւր, այնքան հպարտություն կար նրա խնդրանքի մեջ և հպարտության հետ՝ այնքան սեր: Նա կանգ էր առնում, գալիս էր, չէր գալիս դեպի Դիլանը, քնքանքով զայրանում և մաքրասիրտ խորամանկությամբ ժպտում, որովհետև ետ-ետ անող Դիլանը ահա դեմ առավ քարի ու ընկավ:

Նա կանանց հետ քաղիանում էր արտը և տեսնում էր ու չէր նայում որսի գնացող Դիլանին: Նա կանգնեց շտկեց ցավող մեջքը, մազափունջն անցըրեց ականջի ետև և կանգնել ու նայում էր նրան: Կռացած՝ նա աչքի պոչով նայեց Դիլանին, հետո նայեց բոլորովին թաքում, իսկ հետո չէր հասկացվում՝ նայո՞ւմ էր թե չէր նայում, որովհետև քաղիանում էր գլուխկախ:

Բարակ առուն մարած գետակից մի շիթ էր առել ու կտրուկ թեք լանջերով, խանձված քարերի ու քարերի միջով ջուրը տանում, իշնում էր ձորը, մի կերպ դուրս գալիս մյուս լանջը, այդպես մի մատ ջուրը գնում դեմ էր ընկնում ճամփան կտրած ժայռին ու ժայռի հետ իշնում ձորը: Ժայռի մյուս կողմը Դիլանի այգին ջրի էր սպասում, իսկ Դիլանը լայնաթիկունք էր և աշխատասեր, ժայռն ի՞նչ էր որ Դիլանի կամքի դեմ: Դիլանը ծակում էր քարը, որ միակազմ էր ու անճեղք: Դիլանը փշուրներ էր պոկում որձաքարից: Անձանձիր, անընդհատ, համաշափ, Դիլանը նիգին տեղ էր փնտրում որձաքարի մեջ, որ

տեղի էր տալիս փշրանք առ փշրանք, ետ էր շպրտում երկաթը և տնքում էր խուլ ու անհաղորդ: Իսկ Դիլանը, շոգ արևի ու քարի մեջ, խփում էր նույն տեղին: Քարն ի՞նչ էր որ Դիլանի ու երկաթի դեմ:

Եվ սկզբում երազի լսածի պես խաբուսիկ, իսկ հետո որոշակի և բարձր, խլացնելով նիգի քարահարումը, եկավ ու ահազնացավ հարսանեկան թմբուկի զվարք կարկուտը, հեռու խորքերից ելավ ու ծավալվեց հարսանեկան զուռնայի զվարք ու տիխուր կանչը: Դա Դիլանի հարսանիքը չէ: Դիլանին ահա շոգ ու խուլ որձաքարի դեմ բթացող նիգն է: Դիլանն ուզեց, շատ ուզեց մի հարվածով քարի մեջ մղել այդ նիգը և միանգամից շուր տալ ժայռի զանգվածը, բայց ահա քարը դարձյալ նույն համառ անհաղորդն էր: Քարը ետ տվեց նիգը, և քարի հետ պետք էր յոլա գնալ ամիսներով ու փշուրներով:

Դիլանը նույն համառն է և նրա հատոցը՝ նույն անձանձիր համաշափօք, բայց ահա ուժգնանալով՝ աշխարհը խլացնում էին վայրենի թմբուկն ու հեթանոս զուռնան: Եվ մի պահ իշխելով թմբկահարման ու զուռնայի կանչի վրա, փոշտվում էր հարբած հարսանքավորի հնչեղ ծղրտոցը՝ «այ-շի հա-ա»: Եվ կայտառ ոմբդմբում էր թմբուկը և աշխույժ թախսում էր զուռնան:

Դիլանը վար դրեց նիգը և, զուսպ ու արժանապատիվ, քայլ արեց դեպի ձորը, ժայռի հետ իջավ դեպի ձորը: Մանրաքարը փախավ ոտի տակից, և Դիլանը կորցրեց իրեն, ժայռի երկարությամբ ձորն ընկավ գրեթե գլորվելով, գետակի մոտ անցավ ժայռը և ժայռի երկայնքով, ընկնել-ելնելով, կուզեկուզ, ընկնելով ու ելնելով բարձրացավ այգի: այգուց դեմը խլուտում էր Սոնայի հարսանիքը:

Սոնան անձայն լաց էր լինում քողի տակ, փեսան կանգնած էր գյուղավարի լուրջ ու կարևոր, քավորը հիացած էր իր կնոջ պարով և գրպանից հանեց ու ծեսերով-ծեսերով մի խնձոր տվեց կնոջը, և

խնձորի հետ պտտվել սկսեցին ցանկապատերին թառած երեխաների հայացքները: Սոնան ժպտում ու լաց էր լինում քողի տակից: Սոնան տեսավ-չտեսավ Դիլանին, և լաց էր լինում աչքերը խոնարհած, ջահել մի հարսանքավոր պարելու կանչեց Դիլանին, ետևից պարելու հրեցին ուրիշներն էլ, Սոնան նայեց ու չնայեց Դիլանին: Թմբուկը դմբղմբում էր գլուխ պայթեցնելու չափ ուժգին, զուռնան ծաղրածուի պես և ուրախ էր, և տխուր, ջահել հարսանքավորը կռնչաց իր «այ-շիհաա-ան»:

Դիլանը պոկվեց պարելու քաշքողներից ու ետ դարձավ:

Դիլանը ետ դարձավ - գլխարկն աչքերին իջեցրած հաստածնոտ անտառապահը ձին թռցնում էր քարե ցանկապատի այն կողմից այս կողմը, այս կողմից այն կողմը, այն կողմից՝ այս - անընդհատ: Զին հաստածնոտի տակ ավանակի չափ էր երևում, որովհետև հեծյալը չափսերով շատ էր վիթխարի: Զին ցատկերի հետ տնօքում էր, և խուլ ու անասնական մի բան կար գինով հաստածնոտի սևոնան մեջ և ծիուկի դիմացկունության մեջ, որ թվում էր հիմա, այս մի ցատկին, կոտրվելու է: Զին հիմա հրաժարվում էր, հաստածնոտը ասպանդակեց ու մտրակեց, բայց ձին փլվեց պատի վրա, իսկ հաստածնոտը ծանր ցատկեց ծիուց և, էլ ուշք չդարձնելով ծիուն, եկավ, չտեսնելով մի կողմ հրեց Դիլանին ու ճեղքեց պարի օղակը:

Եվ Սոնայի արտասվող ու ծիծաղող մայրը ասաց Դիլանին.

- Ուրախացիր, պար արի, ինչո՞ւ ես տխուր:

Իսկ զտիչ մեքենա պտտողը կանգնել էր մի քարի և բերանքաց նայում ու դարձյալ ժպտում էր իր խուլ աշխարհի խորքից:

Եվ նվագողներն սկսել էին նոր եղանակ, ու անձակատ հաստածնոտը առանց շարժումների պարում էր շրջանի ներսում, պտույտներով լայնացնում էր շրջանը, և զզվելի մի բան կար նրա մի տեսակ խուլ քելքի և համաշափ ասսս-սե՛ կանչի մեջ: Նա շրջանը լայ-

նացրեց ու կանգնեց Սոնայի դեմ և կանչեց ու քաշեց պարելու, և նվազողները փչեցին նոր եղանակ, ու Սոնան պարեց:

Սոնան պարեց, և չկար արար աշխարհում նրա պես հմայքոտ, նրա պես սիրելի, նրա չափ տիսուր ուրիշ մեկը:

Փեսայի նեղշուրթ քույրը օձուկ էր կտրել նախանձից, պառավները լաց էին լինում, հարբած նույն հարսանքավորը հանկարծ ուշքի եկավ ու փոշտաց իր «այ-շիհաան», կոպիտ թմբկահարի ճակատին փող շրիկացրեց հաստածնոտը, Սոնայի տարիքի մի աղջիկ, կաղեկաղ, պարը նայելու տեղ փնտրեց օղակի շուրջը, և չկար արար աշխարհում Սոնայի չափ սիրելին ու տիսուրը: Սոնայի տարիքի մի աղջիկ մի կողմ էր կանգնել ու նայում էր անընդհատ Դիլանին, և նա գեղեցիկ ու տիսուր էր, բայց չկար աշխարհում Սոնայի չափ ցանկալին:

Հաստածնոտ անտառապահը խնձոր տվեց Սոնային, և Դիլանը փախավ հարսանքից:

Ու հիշեց հինգ-վեց խնձորով խնձորենին, ճանապարհը, շոգը, խնձոր ուզող Սոնային:

Հնձանում պատեպատ խփվեց ու իր տեղը չգտավ Դիլանը: Հարսանիքը թմբկահարվում ու ծղրտում էր զուռնայով ու աղմուկով Դիլանի գլխում, և Դիլանը փակեց ականջները, և հինա հարսանիքը աղմկում ու տիսրում էր հեռու մի տեղ, իսկ Դիլանը հնձանում չգտավ պատռված գետինը՝ որ պահվեր այս աշխարհից, քարը՝ որ գլուխը խփեր քարին: Եվ Դիլանը ոռնաց միանգամից, սակվեց ու նայեց - խառն ու կոշտ հարսանիքը փայտե սանդուղքով անաղմուկ բարձրանում էր պատշգամբ: Հարսանիքը մտավ տուն, պատշգամբը հինա դատարկ էր, ներսում դեռ երգ ու նվագ չկար:

Եվ Դիլանը սահեց ու նստեց գետնին ու անձայն ոռնաց: Եվ սպա-

սումով լարված ականջ դրեց ու տեսավ Սոնային, որ գալիս էր ու չէր գալիս և խնդրում էր ու չէր խնդրում կոշիկը:

Փորի պառկած Դիլանը բարձրացրեց գլուխը և նայեց հեռու աշխարհներից - հնձանում նստել էր գեղեցիկ ու տխուր աղջիկը, իսկ հարսանիքը այնտեղ երգում էր հարբած ու խուլ՝ իր կայտառորեն տխուր երգը: Եվ նայեց Դիլանն ու տեսավ Սոնային, որ կալում կամի վրա պտտվում ու գալիս նայում էր և դարձյալ պտտվում էր անաղմուկ, գալիս նայում էր հանդարտ սպասումով և կամի հետ թեքվուն ու հեռանում էր:

Դիլանը գլուխը բարձրացրեց՝ հնձանը մութ էր, ոչ ոք չկար հնձանում, իսկ հարսանիքը երգում էր նույն կայտառորեն տխուր երգը՝ որ փեսային մաղթում էր մի դոչ տղա և պապին մի դոչ թռո և տատին՝ մի դոչ թռո, և հարսին ու փեսային հարյուր տարվա ջահել ու դրանից հետո բարի ծեր կյանք էր մաղթում:

Հետո նույն երգը երգում էին մոտիկ ճանապարհին. միայն մի լուսամուտ էր վառվուն հարսանքատանը, երգը դեռ երգում էին ճանապարհին, լուսամուտը մարեց, և հնձանում Դիլանը բղավեց, որովհետև չկարողացավ մարդավարի լաց լինել: Եվ լության մեջ միայն նրա բղավոցն էր, և Դիլանը բերանը խոտ առավ: Եվ դոփդոփեց քարե գետինն ու խուլ ոռնաց, իսկ հիշողության մեջ համառորեն կրկնվում ու կրկնվում է հարսանքավորների նույն երգը դոչ տղայի և հարյուր տարվա ջահել կյանքի մասին:

Դիլանի գլուխը շոյեցին, Դիլանը բարձրացրեց գլուխը՝ լուսացել էր: Մայրն էր շոյում գլուխը: Մոր տխուր ու բարի դեմքը պարզվեց Դիլանի համար, հետո աշխարհը դատարկ-դատարկ էր: Պատը պատ էր, վագերը վագեր էին, այգում հասակ էին քաշում սիմինդրի շարքերը, իսկ վագերը ծարավ էին և տակները ճաքճաքած: Յոգին պարապ Դիլանի առջև մայրը հաց փոեց, Դիլանը կերավ, իսկ մայրը

նայում էր տիսուր ժպտալով: Հացն անհամ էր, ինչպես և մոր խոսքը, որ Դիլանը լավ չհասկացավ:

- Քեզ համար մի լավ աղջկա տեղ եմ արել,- սուտ աշխույժ ասաց մայրը,- գլուխը հողեմ, հազար անգամ նրանից լավը: Կեր, կեր:

Կարելի էր ուտել. ծուն կոտրվում էր, կճպվում էր, աղ կար. կարելի էր աղ անել ձվին, բայց հիշողության մեջ ահա-ահա սկսվում էր հարսանքավորների նույն երգը: Կարելի էր շտկվել տեղում, հաց պոկել, մորը գլխով այս ասել, ծամել, բայց ահա հիշողության մեջ ելնում էր նույն երգը: Պատառը մնաց թկում, կարելի էր ջուր կում անել, բայց ահա հիշողության մեջ թևածում էր հարսանքավորների նույն երգը: Դիլանը ելավ, առավ դույլերը, դուրս եկավ հնձանից և, գնալով, չուզենալով ետ նայեց - Սոնան ավլում էր իրենց նոր դժները: Եվ Սոնան անզարդ էր ու արածն էլ մի բան չէր:

Ու Դիլանը քմծիծաղ տվեց իր վրա ու աշխարհի վրա և իջավ գետը: Դիլանը ջուր առավ գետից և սայթաքուն լանջով բարձրացավ այգի: Դիլանը ջուր տվեց վագերին ու նորից իջավ գետը: Ջուր առավ գետից ու դարձյալ այգի ելավ սայթաքուն ներ արահետով, և հիշողության մեջ նվալով ծավալվել էր սկսում հարսանքի երգը: Դիլանը ջուր տվեց վագերին, շուր եկավ իջնելու և անցողակի ետ նայեց:

Սոնան կանգնել էր պատշգամբի սյունը գրկած և նայում էր Դիլանին: Սոնան տեսավ Դիլանի նայելը և տուն մտավ: Եվ ջրի իջնող Դիլանի եռթյունը լցվեց հարսանքի երգով:

Հարսանքի կայտառ տիսրության երգը Դիլանի հոգու ծալքերում և հիշողության մեջ այս անգամ խլացվեց դժվար, շատ դժվար, քարի հետ կռվելու ժամանակ: Քարը կարծր ու անճեղք էր, երկարե նիզը ետ էր տալիս, իսկ Դիլանը փշուր առ փշուր ծակում էր իր առվի

անցքը:

Ծոգ միջօրեին արահետով աղբյուր իջավ Սոնան, և Դիլանը հեռվից տեսավ նրան, և Սոնան հեռվից տեսավ Դիլանին, Սոնան մի պահ կանգնեց նայեց Դիլանին, Դիլանը մի պահ չկրծեց քարը, մի պահ ժայռի տակից և գետակի ափից նրանք նայեցին իրար: Յետո Սոնան տարավ իր ջուրը. Դիլանը կատաղած ու կատաղած կրծեց իր շոգ որձաքարը:

Դիլանը արտ էր հնձում. գերանդին սրելիս գլուխը բարձրացրեց՝ Սոնան ջուր էր տանում: Սոնան ջուրը տարավ տվեց իր հնձվոր ամուսնուն: Սոնան ծիծաղեց՝ երբ ամուսինը ջուր ցայեց նրա ուսերին, և Դիլանը շարունակեց հնձել: Դիլանն աչքի պոչով տեսավ իր մոտով ջուր տանող բարի տխուր աղջկան, որ քելքը դանդաղել և ուզում էր Դիլանն իրենից ջուր խնդրի: Եվ Դիլանը ջուր ուզեց նրանից ու կատակեց նրա հետ: Յասկացող աղջիկը տխուր ժպտաց, և Դիլանը դարձյալ կատակեց նրա հետ՝ ջուր ցայեց նրա ուսերին և դարձյալ ջուր ցայեց նրա ուսերին, աղջիկը կարկաչուն ծիծաղեց:

Եվ ամուսնու մոտ ամպեց ու սառավ Սոնան:

Եվ Դիլանը հնձեց ջղային ու վրա-վրա, տխուր ու բարի աղջիկն ավելորդ էր ու հեռացավ շփոթված:

Դիլանը տղերքի հետ «տըզ» էր խաղում. մի ձեռքն ափ էր արել մյուս թևի տակ, մյուս ձեռքով ծածկել էր աչքը՝ որ կողքից չտեսնի խփողին, և սպասում էր հարվածի ու մի քիչ վախենում էր, մի քիչ ժպտում: Խուլ շրխկոցով խփեցին: Դիլանը հիմա կտրուկ ետ էր դառնալու և գտնելու էր մատները տնկած բզզացողների մեջ խփողին: Դիլանը ետ չշրջվեց և ձեռքը չիջեցրեց, նրանք նորից խփեցին, և Դիլանը դարձյալ ետ չդարձավ և չփնտրեց ու չգուշակեց

խփողին, և նրանք խփեցին դարձյալ: իսկ Դիլանն աչքերը խփել ու չէր ուզում տեսնել անցնող Սոնային: Եվ նոր հարվածի ցնցումից՝ խուփ կոպերին դողաց արտասուրի կաթիլը:

Ու Սոնան, քելքը դանդաղելով, ետ նայեց ու տեսավ, որ դեռ խփում են իր Դիլանին, նրա ցավից կրծեց շրջունքն ու խփեց կոպերը:

Բարի տխուր աղջիկն արահետով գնում էր իրենց տուն հարևանի տնից, և նա սիրունիկ ու լավն էր, և Դիլանի մայրն արմունկեց Դիլանին ու հիացավ աղջկանով, իսկ Դիլանը նայում էր տխուր ու թույլթույլ:

Դիլանը մատանի անցըրեց բարի ու տխուր աղջկա մատին: Աղջիկը մատանին առավ կամուչկամ ու աչքերը խոնարհած:

Դիլանի մայրը հրճվանքով նայում էր իր հարսին ու իր որդուն և նրա համար՝ նրանք իրար շատ էին սազում:

Բարի տխուր աղջկա մայրն անձայն լաց էր լինում, իսկ հայրն անընդհատ կրկնում էր. «Այտա՛... այտա, թողմեինք երեխան մի կարգին մեծանար»:

Դիլանի մոր համար՝ նա մեծ էր, հարմար էր, ինքը նրան գտել էր իր որդու համար, և զուսպ աշխուժով նա որդուն դուրս իրեց և ինքն էլ դուրս եկավ:

Դիլանը ցանկապատի դժնակից դուրս եկավ ու պաղեց. այգու անկյունում կանգնել էր խանդից մեռնող Սոնան: Սոնան նայում էր Դիլանին, Դիլանը նայում էր Սոնային, և երկուսի համար էլ արար աշխարհում օդ չկար: Յետո Դիլանը քայլեց, բայց այդ Դիլանը չէր քայլում, այլ նրան հրում էր մայրը:

Ծոգ ժայռի տակ Դիլանը կրիվ էր տալիս որձաքարի հետ և զգաց, որ Սոնան մոտիկ մի տեղ է: Դիլանն ականջ դրեց՝ խոր լրություն էր,

Դիլանը ցած դրեց երկաթե նիզը և ժայրի երկայնքով իջավ դեպի գետակ:

Ժայրի մյուս կողմով Սոնան իջնում էր ջրի և լսում էր Դիլանի հատոցը որձաքարին, հատոցը լռեց, և Սոնան հասկացավ, որ Դիլանն իջնում է աղբյուր մյուս կողմով: Նրանք զգում էին մեկը մյուսի քայլերը և շունչը և սրտի տրոփի:

Սոնան կանգ առավ, և Դիլանն էլ կանգ առավ: Դիլանը կանգնած սպասեց, սպասեց, սպասեց և ետ դարձավ:

Սոնան լսեց նրա նիզի խոլ հատոցը որձաքարին և իջավ ջրի:

Աղբյուրը ծոր էր տալիս քարակ, քարակ: Սոնան չկարողացավ չնայել Դիլանին, որ քար էր կրծում վրա-վրա և ջղային: Եվ Դիլանը մի պահ կտրվեց գործից և ասաց սուտ աշխուժով.

- Ո՞նց ես, Սոնա:

Տխուր Սոնան ուսերը թոթվեց ու չպատասխանեց:

- Ես լավ եմ,- ինքն իր վրա ծիծաղեց Դիլանը:

- Եղիր,- աչքը պաղած ասաց Սոնան:

- Աշխարհը մեծ է,- ինքն իր վրա ծիծաղեց Դիլանը:

Սոնան լուր էր, իսկ հետո ասաց շշուկով. «Զգիտեմ»:

Դիլանը քար էր կրծում, Սոնան կանգնել էր աղբյուրի մոտ, հետո Սոնան տարավ իր ջուրը, և Դիլանը սայթաքեց թե պառկեց և նիզն առավ բերանն ու սսկվեց: Որձաքարը կարծր ու անշարժ էր, և որձաքարի վրա Դիլանն էլ անշարժ էր:

Յնձանում, Դիլանը ելավ, մի թաս մաճառ խմեց, սև խաղողը զամբյուղով շուր տվեց քարե տաշտի մեջ: Պատից կախված էր հրացանը: Դրսից բերեց ու տաշտի մեջ շրջեց երկրորդ զամբյուղը: Դիլանն այդ խաղողից, աշխարհից ու իրենից գոհ էր: Իր քշտած ոտքերից գոհ էր և, լվանալիս, դնդնալ սկսեց մի կայտառ մեղեղի, որ

Երգվեց շատ անգամ և այդ օրը ուշ լրեց Դիլանին: Խաղողի հյութը ներկեց ոտքերը, ձեռքը, ծորաց կարասի մեջ, որ խուլ ու խոր էր, և ծորքը նրա մեջ զնգում ու փափուկ կոտորակվում էր:

Դուրսը, աշնան արևի մեջ մի ծիտ գտել էր մի հատիկ սալոր դեղնած տերևների մեջ և կցցահարում էր հրճվանքից պայթելով: Դիլանը դարձյալ դուրս եկավ զամբյուղ տանելու՝ ծիտը դեռ կցցահարում էր: Դիլանը ժպտաց ծտի հրճվանքի վրա, զամբյուղը ներս տարավ, դարձյալ դուրս եկավ, կույտից լցրեց զամբյուղը և երբ բարձրացրեց գլուխը՝ Սոնան արահետից իրեն էր նայում: Սոնան տարավ իր ջուրը իրենց տուն:

Դիլանը զամբյուղը ներս տարավ, լցրեց տաշտի մեջ, և երբ տրորել սկսեց, տեսավ Սոնային, որ կանգնել էր պատշգամբի սյունը գրկած և նայում էր դեպի հնձանը և կարծես թե զգաց, որ Դիլանը ճեղքից տեսնում է իր նայելը: Սոնան ներս զնաց:

Դիլանը տրորեց խաղողը, կարծես թե մոռացավ Սոնային և դնդնալ սկսեց կայտառ երգը, բայց իր կայտառությունը անհետանում էր, որովհետև միտքը պղտորվում էր հարսանքավորների երգի հիշողությունից:

Սոնան դարձյալ գրկել էր պատշգամբի սյունը և նայում էր հնձանին:

Դիլանը դադարեց տրորել:

Սոնան շփոթվեց և ներս զնաց: Նրանց տունը նայում էր լուսամուտների մութ խոռոչներով, հետո լուսամուտի մթի մեջ երևաց չերևաց, երևաց, հենվեց լուսամուտի գոգին՝ Սոնան:

Դիլանը թիկունք արեց նրան, տրորեց արագ-արագ: Եվ Դիլանի ինչի՞ն է պետք այդ ուրիշի կինը: Դիլանին ահա այս քարե տաշտն է, խաղողը, որ տրորվում է դժվար, կպչում է ոտքերին, իրար է կպցնում մատները: Իրենն իր քրտինքն է ու այս շոգը: Դիլանը

իանեց շապիկը, խաղողը տրորեց երկար, դանդաղ, անընդմեջ, ու երբ ճեղքից նայեց դիմացի տանը՝ Սոնան լուսանուտի մեջ չէր, դրներին չէր: ճանապարհը կտրեց անցավ խոտ բարձած մի ծի, մի քիչ հետո երևաց ձիատերը՝ որ անցավ մի բանի նայելով:

Փոքրիկ մեղվանոցում Սոնայի ամուսինը վերցրել էր փեթակի տանիքը, ետ էր տալիս մեղվի ծածկոցը: Ճանեց խորիսխի շրջանակը, արևի մեջ շուռումուռ տվեց, դրեց տեղը: Սոնան կանգնել էր նրա մոտ փութսը ձեռքին: Սոնան նայում էր դեպի հնձանը, ամուսինը բան ասաց, Սոնան ուշքի եկավ, ասես կտրվեց մտքերից, և փշեց փութսը: Լսվեց ամուսնու սրտնեղած փնթփնթոցը. «Ոնց որ վերացած լինի, վերացած»:

Հնձանում, Դիլանը շրիւկոցով վրա բերեց օդանցքի փեղկը և տրորեց խաղողը քարե տաշտի մեջ: Փեղկն ինքն իրեն ետ-ետ եկավ, և Դիլանը դարձյալ վրա բերեց շրիւկոցով: Եվ մտամոլոր նստեց քարե տաշտի եզրին:

Պատից կախված էր հրացանը... Թողնել այդ հնձանը և թռչել դուրս, դեպի տարածություն ու ազատություն: Յեռվում կապտին էին տալիս սարալանջերը, երևում էր անտառի ծայրը, փայլփլում էին հնձած արտերը: Լսվում էր լորերի խուլ երգը հնձած արտերում՝ կախ-կըղա, շախ-կըղա, կախ-կըղա: Արծիվը լրիկ անում էր իր պտույտները նույն շրջանով, անընդհատ նույն շրջանով՝ սպիտակ երկնքում:

Եվ Դիլանը սրտնեղեց ու դուրս եկավ քարե տաշտից: Դիլանը դուրս եկավ հնձանից՝

Սոնան կանգնել էր պատշգամբի սյունը գրկած և նայում էր Դիլանին: Դիլանը տեսավ Սոնային, Սոնան տեսավ Դիլանին, բայց Սոնան ներս չգնաց, և Դիլանն էլ մնաց կանգնած: Սոնան հատ-հատ իջավ սանդուղքներով, մի պահ կորավ հայացքից, հետո՝ երևաց սղոցի

Ժայրը բռնած: Ամուսնու հետ փայտ էր կտրում բակի ցանկապատից դենը:

Դիլանը շտկեց հրացանը ուսին, դուրս եկավ այգուց, մտավ ճանապարհ, Սոնան ամուսնու հետ սղոց էր քաշում:

Դիլանը շտկեց հրացանը և գնաց դանդաղ, կամուչկամ: ճանապարհը թեքեց, անցավ գերեզմանոցով, որտեղ երեխաները տապկնոցի էին խաղում և կապած թախծում էր մի ծի, դուրս եկավ սարահարթ՝ հնձած արտերը փայլվլում էին աշնան արևի տակ:

Ահա այն քարը, որի վրայից իրենք ծի էին նստում և մի անգամ նստեցին երկուսով մի ծիու: Ահա մասրենու թուփը, որ ծաղկել էր մեկ հատիկ սպիտակ ծաղիկ և արար աշխարհի չորության մեջ դա միակ ծաղիկն էր, և Դիլան ու Սոնա երեխաները հեռվից վազելով եկան պոկելու և չեին կարողանում պոկել, որովհետև փշոտ մասրենին թույլ չէր տալիս, մոտ չէր թողնում, և իրենք երկար, շատ երկար պտտվում էին մասրենու շուրջը և այդպես էլ չպոկեցին, որովհետև, երբ Դիլանը ճյուղի կտորով քաշեց ու ահա պիտի պոկեր Սոնայի համար՝ ծաղիկ ծաղկած ճյուղը դուրս պրόավ ու թերթաքիվեց:

Դիլանը հիմա հրացանի փողով, նշահատիկով, քաշեց ու բռնեց երևի այն ճյուղը, որ մի հատիկ ծաղիկ էր ծաղկել ու թերթաքիվեց: Ու հիմա մերկ ու փշոտ է:

Աշնան արտերում լորերը երգում էին իրենց երգը՝ կախ-կըղա, շախ-կըղա, Դիլանի մոտից, համարյա թե ոտքերի տակից լորերի ընտանիքը նետվեց ու խոլ թռողոցով աղեղվեց աշնան հնձած արտերի վրա:

Դիլանը գնաց նրանց թռիչքի ուղղությամբ, նրանք հիմա մոտիկ մի տեղ պիտի լինեին, Դիլանը գնաց զգույշ, նրանք դարձյալ աղեղվեցին ու իջան հեռու: Դիլանը մոտեցավ, նշան բռնեց, գեր լորը

ահա-ահա նստել էր նշահատիկի օղակի մեջ, բայց դարձյալ խուլ թռողողվ վեր նետվեց և գնաց:

«Կախ-կըղա, կախ-կըղա, կախ-կըղա», մեկը երգում էր շատ մոտիկ, ուղղակի Դիլանի ականջների մեջ, ու Դիլանը չէր գտնում, չէր գտնում նրան: Վերջին պահին նա լոեց, Դիլանը կարծես թե գտնում էր նրան, բայց նա դարձյալ վեր նետվեց ու խուլ թռողողվ կորավ Դիլանի հենց ոտքերի տակից: Դիլանը նշան բռնեց, բայց կարծես թե երևացող լորը կորավ աչքից: Դիլանը ելավ ծնկած տեղից, հրացանը ուսը գցեց և այդ ժամանակ լսեց հրացանի ձայն: Ու կրակոցի հետ արտի բոլոր լորերը խուլ թռողողվ թևածեցին ու պտտվեցին արտերի վրա, իջան ու սսկվեցին:

Դիլանը մտածեց ու չհասկացավ, թե այդ ինչ կրակոց կլիներ: Քայլեց մտածկոտ, մտավ աշնան անտառ, որ ծնկահար խաշամ էր տվել և սվսվում ու խշխշում էր: Ծնկահար խաշամը ճեղքելով, Դիլանը դուրս եկավ բացատ և ականջ դրեց: Ու երբ ուզում էր քայլել, լսեց հրացանի կրակոց: Կրակոցի հետ բացատի վրայով միրհավեր անցան: Դիլանը չհասկացավ, թե այդ ինչ կրակոց կլիներ ու մտավ անտառ:

Փուխր ավազահողը թեք լանջին փախչում էր ոտքերի տակից: Դիլանը դժվար բարձրացավ այդ կարծ զարիվերը: Երբ գլուխը հանել էր այդ կարծ զարիվերի պոմպից, մի պահ տեսավ կարծես թվացող միրհավերին: Յաջորդ պահին նրանք չկային, որովհետև հողը փախավ Դիլանի ոտքերի տակից, և նա ձորակ սահեց: Յազիվ պահելով իրճվանքի ճիշը, Դիլանը մի քիչ սպասեց և, ճգնելով չիկալ և լարված ու զգույշ, տափակված, կռվեց սորուն զարիվերի դեմ: Դարձյալ երևացին միրհավերը, դարձյալ նրանք անհետանում էին Դիլանի ետսահելով, և Դիլանը կառչեց կարծես ինքը իրենից և,

ոսկեգույն միրիավը մտել թե չեր մտել նշահատիկի օղակ, կրակեց: Կրակոցի հետ՝ հողը փախավ տակից, Դիլանը ետ սահեց ծորակ: Եվ ծնկներով, արմունկներով, հրացանի խզակորով, քիթ-բերանով կառչելով հողե փուխր թեքությանը, Դիլանը դուրս եկավ զարիթափի գլուխը՝ ոսկեգույն միրիավն այնտեղ ընկած էր ու գլուխը բարձրացրել էր: Էլ չկանգնելով, Դիլանը չորեքթաթվեց դեպի միրիավը, մոտեցավ միրիավին, ձեռքը մեկնեց միրիավին, հողը դարձյալ ետ էր փախչում, մատները դիպուրեց միրիավին, և այդ ժամանակ միրիավը թպրտաց, թևին արեց ու թռավ: Թևերի շփշփոն էր, հետո այդ էլ չկար, միրիավը չեր եղել ու չկար: Դիլանը նայեց միրիավի ընկած տեղին՝ աչքի պոչով ձիու սմբակ տեսավ և դա կարծես թե սուտ ու պատրանք էր, հետո նայեց միրիավի թռած ուղղությամբ, հետո նայեց միրիավի ընկած տեղին՝ ձիու սմբակ կար: Դիլանը դանդաղ բարձրացրեց հայացքը՝ անտառապահի ձին էր, սապոգով ոտքը ասպանդակի մեջ և մտրակը ոտքի մոտ կախված: Յատաձնուտ անտառապահը ոչինչ չեր անում ու չեր ասում: Յետո, կտրուկ ու չոր վառեց Դիլանի մետակ մեջքը և դարձյալ ոչինչ չեր անում ու չեր ասում: Ապա դարձյալ մտրակեց շատ հանկարծակի: Մտրակը փաթաթվեց Դիլանի դեմքին: Յետո, ձին վրա-վրա քշելով, հարմարվեց ու դարձյալ խփեց, և ձին տրորեց Դիլանի ոտքը: Յետո, ձիու վրայից անհարմար էր, լավ չեր խփվում, իջավ ձիուց ու խփեց վրա-վրա: «Իմ որսը... իմ որսը», ուրիշ ոչինչ չեր հասկացվում նրա ասածից, որովհետև մնացածը դողուց ու գոռգուոց էր: «Իմ որսը... իմ որսը... իմ որսը»: Յետո նա մտրակի կորով խփեց Դիլանի գլխին, որովհետև Դիլանը օրորվում էր, բայց չեր ընկնում, և դա ջղայնացնում էր անտառապահին, և Դիլանը ծնկեց, չորեքթաթվեց ու պառկեց:

Երբ Դիլանը բարձրացրեց գլուխը՝ հաստաձնուտը ձիու քելքից

օրորվելով մտնում էր անտառի մութ խորքերը: Նրա ձիու խշրտոցը խլանում էր, լռեց, և հիմա ամբողջ աշխարհում լուս լռություն էր: Եվ լռության մեջ Դիլանը զգաց, թե ինչպես է մզմզոցով սևանում և ուռչում աչքատակը: Դիլանը շոյեց աչքի տակը և նստեց: Դիլանը նստել էր քարի տակ, ուզեց նստել քարին, բայց սահեց ու ընկավ: Եվ դարձյալ ուզեց նստել քարին և դարձյալ չկարողացավ: Դիլանը ուզեց հենվել քարին և չհենվեց, որովհետև մեջքը ցավում էր շփվելուց: Դիլանն օրորվեց ու ժպտաց հիմարավում: Ուզեց կանգնել, կանգնեց ու մնաց անշարժ:

Ժայռի մոտ ծերունին նստել և տրորում է աչքի տակը: Ծերունու համար դժվար է անցած օրերի ծանր հուշը, ծերունին գլուխը չի բարձրացնում: Աչքերը փակ, նա ցնցում է գլուխը, նա ուզում է ժխտել անցած օրերի հուշը, ուզում է չհիշել, ուզում է, որ այդ եղած չլինի, բայց այդ եղել է այդպես ու աչքի տակը դեռ ցավում է: Ծերունին շոյում է աչքի տակը և ապա դանդաղ, ասես հեռու մի աշխարհից, ասես մի տեսակ խուլ՝ ժպտում է, ժախտը բացվում է դանդաղ:

Երբ Դիլանը բարձրացրեց գլուխը, ձիու քելքի հետ ձիու վրա օրորվելով, հաստածնոտն անցնում էր անտառի սախտակ լուս բացատից դեպի խավարը. և ձիու գավակը հաստ էր, լայն էր նաև հաստածնոտի թիկունքը: Նրա ձիու խշրտոցը խլանում էր, հետո լրեց, և ամբողջ աշխարհում հիմա լուս լռություն էր: Եվ լռության մեջ Դիլանն զգաց, թե ինչպես է մզմզոցով սևանում և ուռչում աչքի տակը: Դիլանը շոյեց աչքի տակը և նստեց: Դիլանը նստել էր քարի մոտ, ուզեց նստել քարին, բայց սահեց: Եվ դարձյալ փորձեց ու դարձյալ սահեց: Դիլանն ուզեց հենվել քարին, հենվեց, բայց մեջքը

ցավում էր քարին քսվելուց, և անհենարան նստած Դիլանն օրորվեց ու չար ժպտաց: Կանգնեց ճիգով ու կանքով՝ այլս չընկնելու համար, և օրորվեց, բայց մնաց ոտքերի վրա: Անտառում պայթեց ու արձագանքեց անտառապահի կրակոցը, և կրակոցի հետ Դիլանն սկսեց քայլել:

Իջավ քարոտ նեղ արահետով դեպի գետակ, և լուսը կուրացնող էր ու քայլելը դժվար: Գետակի մոտ Դիլանը հանեց վերնաշապիկը և ուզեց թաղվել ջրի մեջ, բայց ջուրը քիչ էր, հազիվիազ օծում էր Դիլանի դեմքն ու կուրծքը, կապույտ շերտով նախշված մեջքը:

Դիլանը քնել էր գետակի մոտ ու երբ արթնացավ՝ գիշեր էր: Դիլանի գլուխը ցավում էր, ձորից դժվար ելավ: Ծղրիդները երգում էին, լուսինը մեծ ու կլոր էր, հեռու անտառում հավք ծղրտաց:

Ժայռի տակ, Դիլանը մի երկու անգամ թրխկացրեց նիզով, հետո շպրտեց նիզը և հայիոյեց թե բողոքեց:

Դիլանը մտավ այգի, մտավ հնձան, խնեց մի թաս մաճառ, հետո շպրտեց թասը: Եվ դուրս նետվեց հնձանից ու այգում չէր գտնում իր անելիքը: Կանգ առավ ակամա՝ երբ աչքին ընկավ նրանց լուս պատուհանը: Եվ աչքը լուսանուտին՝ Դիլանը երկար մնաց: Ծղրիդները երգում էին, լուսինը մեծ ու կլոր էր, հեռու հանդերում մի հավք ծղրտաց: Յետո նրանց լուսը հանգավ, աշխարհը խավար էր, հեռու հանդերում ծղրտաց գիշերահավը, ցանկապատից դենը կանգնած թախծում էր մի ծի, այգում մոլոր կանգնել էր Դիլանը:

Լուսացավ, Դիլանը պառկած էր եգիպտացորենի արտում, արտը ջարդված էր նրա շուրջը, և արթնացած Դիլանն առաջին պահ չհասկացավ, թե ինչու է ջարդված եգիպտացորենը: Դիլանը տրորեց դեմքը և աչքի տակ ցավ զգաց: Ժպտաց իր անհաջողության վրա և ելավ աշխատելու: Յնձանում տրորել սկսեց խաղողը:

Սոնան կանգնել էր պատշգամբի սյունը գրկած, Դիլանը չար

թմծիծաղեց նրա վրա ու իր վրա և տրորեց խաղողը՝ գլխիկոր, անձանձիր, միալար:

Սոնան թողեց պատշգամբի սյունը և մղվեց դեպի սանդուղքները։ Սոնան սանդուղքներով իջավ հատ-հատ, վճռական, մղված։ Երբեմն հապաղում էր, բայց դա կանգ առնելու հապաղում չէր, նա կանգ չէր առնում, այլ իջնում էր դանդաղ։ Իջավ ծածկվեց սանդուղքի ոլորանում, երևաց իրենց ցանկապատի մոտ, կտրեց ճանապարհը, ետտվեց Դիլանի այգու դրմակը։

Դիլանը տրորեց արագ, արագ։ Իրենն այս կպչող ծանր հյութն է, քարե տաշտը, քրտինքը և մեջքի մրմուռը։ Մնացած ամեն ինչ աշխարհում՝ Դիլանը մերժում է մերժելով։ Դիլանը տրորեց արագ, արագ, արագ։

Խշրտացին սիմինդրի ցողունները, Սոնան գալիս էր արտի միջով զգույշ և արագ ու դանդաղ, մի տեսակ՝ գալիս էր և չէր գալիս։ Արտից ելավ ու եկավ դեպի հնձանը, և նրան հարազատ էին հնձանի դռանը շարված կողովները, վազը, հնձանը, դույլը, լույս արևը, կարմրող տաքեղը։ Եվ հնձանի դրմակը և շեմքափայտը։ Եվ Սոնան ներս եկավ սիրով, լացով, կարոտով, վախով ու Դիլանի ցանկությամբ լիքը։ Դիլանը նստել էր քարե տաշտի եզրին և նայում էր վանող հայացքով։

- Ինչի՞ ես եկել,- անթարթ նայելով, հետո աչքերը ճպճացնելով ասաց Դիլանը:- Ինչի՞ ես լաց լինում,- ասաց Դիլանը,- ես քո մա՞րդդ եմ, թե՞ հերդ եմ, թե՞ ախաբերդ եմ, ինչի՞ ես ինձ մոտ լաց լինում։ Տուն էլ ունես, տեղ էլ ունես, մարդ էլ ունես, հեր ու ախաբեր էլ ունես, զնանրանց մոտ լաց եղիր, ես քու ի՞նչդ եմ,- ասաց Դիլանը և, իրեն փակելով աշխարհում ամեն ինչի դեմ, կոպերը խփեց։ Ոռնոցը սկսում էր ծայր առնել հոգու ամենախորքերից, խուփ աչքերով Դիլանը դուրս եկավ խաղողի միջից, զնաց դեպի Սոնան և, խուփ

աչքերով, փուլ եկավ նրա վրա: Յոգու ոռնոցը նրա հոգում տեղ չէր անում: Դիլանը կաշկանդում էր ոռնոցը, բայց չէր լինում, չէր լինում, ոռնոցը մի պահ նվում էր ներսի ծալքերում և դարձյալ փրկիրում էր ու լցնում Դիլանին:

Սոնան լաց էր լինում լոիկ և գուրգուրում էր իր ծեծված Դիլանին: Եվ լոիկ լացելով Դիլանի վերքերի և հանդարտվող մեջքի վրա, Սոնան քրթմնջաց. «Աղջիկը լավ աղջիկ է, ուզիր, Դիլան», և սպասեց, որ Դիլանը մերժի այդ միտքը և ուզեց ելնել ու գնալ, և թույլ Դիլանը նրան չպահեց, բայց Դիլանը քնած չէր:

Եվ երբ Սոնան ետ նայեց դռան միջից, Դիլանը բարձրացրել էր կարմրած աչքերը: Դիլանը տեսավ հեռացող Սոնային, որ գնում էր ու չէր գնում սիմինդրի շարքի միջով, գնում էր ու չէր գնում, դանդաղում էր ու շտապում:

Եվ զույգ ոտքի վրա պինդ կանգնելով, Դիլանը ելավ հնձանից, գնաց վերցրեց նիզը և ջարդեց իրեն, նիզը և քարը, հոգնեց, ջարդվեց, ճնրթվեց, դարձավ թույլ փալաս, բայց դարձյալ չդիմացավ անշարժությանը՝ երբ նստեց հանգստանալու, և իրեն, նիզն ու քարը շարունակեց ջարդել հոգնած, միալար, թույլ-թույլ և անվերջ, մինչև տարիների վերջը: Եվ նստեց հանգստանալու ծերացած...

Սոնան հեռանում էր սիմինդրի արտով, ճոճվում էր, կանգ էր առնում, գնում էր արագ և դարձյալ ճոճվում էր: Սոնան հեռանում էր սիմինդրի արտով, ճոճվում էր, կանգ էր առնում, ասես ուզում էր ետ դառնալ, հետո գնում էր մի տեսակ թեք ու սուրալով մինչև այգու դռնակը: Սոնան հեռանում էր մերթ արագ ու մերթ դանդաղ, ճոճվում էր, կանգ էր առնում, ասես ուզում էր ետ դառնալ ու չէր դառնում, գնում էր անդարձ, բայց դարձյալ դանդաղում ու կարծես թե ետ էր նայում:

Ծերունին նստել է աշնան արևի մեջ, հնօրյա առվի մոտ, նրա հայացքի դեմ ցնդում է հուշը, և միակ չորացած սիմինդրի ցողունը խշրտում է մետաղաձայն: Այգում ծուխ են տալիս տերևնակույտերը, այգին մերկ է, միակ արևածաղիկը գլուխը թեքել է աշնան արևի տակ: Ահագնանալով ու հօինդ մաղելով աշնան երկրի վրա՝ էջի գնաց մարդատար գեղեցիկ ինքնաթիռը: Անցավ Դիլանի վրայով, հիմա հեռու էր, շարժիչների աղմուկը չէր լսվում և նա իջնում էր լուռ ու խորհրդավոր: Մոտիկ մի տեղ գրպանի ռադիոընդունիչը որսաց ու կորցրեց մի ալիք երաժշտություն: Ցանկապատից դենը, փողոցով գնում էր տղաների մի խումբ. նրանք ուսներին փափուկ մարզակոշիկներ ունեին, նրանցից մեկը ընթացքի հետ գլխին պահում էր գնդակը, գրպանի ռադիոընդունիչը դարձյալ որսաց ու բաց թողեց նույն երաժշտությունից մի ալիք. տղաներից մեկը ոտքով խլեց գնդակը մյուսի գլխից և, խնբից անջատված, ինքը իրեն խարս տալով գնաց, մինչև որ գնդակի տերը հասավ, կարծ կրվից հետո խլեց ոտքով, վեր նետեց ու պահեց գլխին: Նրանք անցան, նրանց ընդունիչը գտավ նրանց ուզած երաժշտությունը:

Ծերունին նստել է այգում, ժայռի ճեղքի մոտ, որից բարակ շիթով ծորում է ջուրը:

Սարերից խոտը բերում էին, Սոնայի ամուսինը սայլի վրա էր, Սոնան եղանով խոտ էր տալիս տակից: Դա նրա համար դժվար էր. ամռանը դրված կույտերը անդացել էին, Սոնան դժվար էր պոկում, նաև՝ սայլն էր գլխեգլուխ լիքը, դժվար էր խոտը վերև տալ: Անուսինը ներքեաց տրվածը շտկում էր սայլի վրա, տրորում և սպասում եղանի կոթը ծնոտի տակ:

Ամբողջ սարահարթում խոտի կույտեր էին, սայլ էին բարձում մի

քանի տեղ:

Դիլանը կախվելով ձգեց ու կապ գտեց իր սայլի տակ, պարանը շպրտեց բարձված խոտի վրայով, կախվեց ձգեց ու կապեց մյուս կողմը և նայեց՝ այնտեղ Սոնան չարչարվում էր կույտի ու սայլի արանքներում, նրա ամուսինը կանգնած էր կիսաբարձ սայլի վրա:

Մոռայլ Դիլանը լճգով ոլրոեց ու պնդացրեց սայլի երկարությամբ գցված պարանը, լճգի ծայրը մտցրեց ուրիշ կապի տակ և դարձյալ նայեց՝ Սոնան չէր կարողանում խոտ պոկել կույտից, ամուսինը սպասում էր կիսաբարձ սայլի գլխին:

Դիլանը քշեց եզները, սայլը պոկվեց դժվարությամբ, հետո գլորվեց հեշտ, որովհետև տեղը համարյա թե զարիթափ էր, իսկ հետո զարիվեր էր, ու եզները տարան լարված, քայլ-քայլ: Դիլանը սայլի հետ դուրս եկավ զարիվերի գլուխը՝ Սոնան կռվում էր խոտի կույտի հետ: Դիլանը իր սայլը պահեց նրանց մոտ, քար դրեց անիվի առջև ու գնաց Սոնայից առնելու եղանը, բայց նա չէր տալիս.

- Թող, Դիլան, թող:

Դիլանը մի պահ ետ կանգնեց, ապա համարյա թե խլեց եղանը և խրեց կույտի մեջ: Նրա ամուսինը նայում էր սայլի վրայից և ասաց անչար, կատակով, սիրով.

- Չի սատկի, Դիլան, թող:

- Սատկեց՝ սատկեց,- հենց էնպես ասաց Դիլանը, կույտը ցնցեց ու տեղահան արավ, ուսեց, բարձրացրեց ու տվեց վերև: Շուր եկավ վերցնելու մնացածը՝ Սոնան մատից փուշ էր հանում, որ դուրս չէր գալիս: Սոնան փորձեց հանել ատամներով, հետո մատներով և այդ ժամանակ նայեց Դիլանին: Եվ նրա հայացքում չկար ոչ սեր, ոչ քնքշանք դեպի Դիլանը և ոչ էլ առհասարակ կանացիություն:

Դիլանը եղանը խրել էր խոտի մեջ, նայում էր Սոնային, Սոնան կրծելով հանում էր մատի փուշը, Սոնայի ամուսինն ասաց.

- Հը, դժվար է՞:

- Սատկեց՝ սատկեց,- ասաց Դիլանը և Եղանեց կույտը:

Սոնան հավաքեց կույտի մնացորդները, շարտեց վերև և սայլը եզներով քաշեց դեպի մի ուրիշ կույտ:

- Բավական չի՞,- ասաց Դիլանը:

- Չեն սատկի,- սայլի վրայից պատասխանեց Սոնայի ամուսինը:

Դիլանը կանգնել էր մտամոլոր և արձագանքեց բարձրաձայն.

«Սատկեցին՝ սատկեցին», հետո միանգամից գնաց, ուզեց խլել Եղանը Սոնայի ձեռքից, բայց նա ասաց շատ կոպիտ.

- Մելդ կապած է, գնա:- Եվ նրա արած գործը կոպիտ էր, կոպիտ էր ինքն էլ:

Դիլանը ծամածովելով հանեց քարը անիվի տակից, բարձրացավ սայլ ու քշեց եզները: Եվ կյանքն անհասկանալի էր այնքան, որ Դիլանը ծամածովում էր սայլի վրա:

Յեռու սարերը արևի մեջ ձյունել էին. սարահարթը ստվեր ու ցուրտ էր, կույտերը սարահարթում քչացել էին, ճանապարհի հեռուներում օրորվում էին բարձած սայլերը: Դիլանը ետ նայեց՝

Սոնան խոտ էր տալիս սայլի գլուխը: Ամուսինը շտկեց խոտը, սպասեց Եղանը ծնոտի տակ, Սոնան չարչարվում էր Եղանել խիտ նստած կույտից:

Արճագույն ամպերի ճեղքից սարահարթ էր խրվել արևի շեղբը:

- Յոյի է՞ր,- հանկարծ հասկացավ Դիլանը,- կարծես հղի էր,- ասաց Դիլանը, սայլը դուրս բերեց սարահարթի եզը: Ներքևում, խոր ձորի շեկ հատակներում գյուղն էր, գյուղի վրա՝ եկեղեցու իրիկնային զանգերը, որ երբեմն կարծես հեռվից էին զանգում, երբեմն էլ՝ շատ մոտից:

Դիլանը կապեց անիվները՝ լինգերը խրեց անվաճաղերի արան-

քով խոտի մեջ, որպեսզի զարիթափում անիվները չպտտվեն, և զարիթափն իջավ կապած անիվներով:

Զանգերի իրիկնային ղողաճն էր, հետո կոտրեց լինգերից մեկը, բայց սայլը շուր չեկավ, հետո դուրս պրծավ մյուս լինգը, սայլը զարիթափում գլորվում էր արագ, եզները չէին կարողանում պահել սայլը: Դիլանը ամբողջ ուժով ետ էր հրում սայլը և բղավելով աղաչում ու սպառնում էր եզներին. «Իի՞շշշ... իի՞շշ»: Եվ խոտի զանգվածը Դիլանի գլխավերևը բարձր, բարձր էր: «Իի՞շ», անզոր ծղրտում ու խնդրում էր Դիլանը:

Խոր լրության միջից աշխարհն արթնացավ մեղմ շրջունով, հեռու մի տեղ իր փշակը թմբկահարում էր մի փայտփորիկ, մոտիկ երգեց ու լռեց մի ծղրիդ, հետո նորից երգեց, խոլ ու ծանր մի դղրդոց էր գալիս, լրում էր, ապա շարունակվում, Դիլանը բացեց աչքերը՝ եզան գլուխը որոճում էր աչքերի դեմ, հեռու մի տեղ թմբկահարում էր մի փայտփորիկ, շարունակեց երգել ծղրիդը, անասունի խոր տնքոց ու խռխռոց էր գալիս հեռվից: Դիլանը հայացքը շրջեց՝ գլխավերևը լուր լաց էր լինում Սոնան:

Դիլանը փակեց աչքերը, նրա լացը լսեց փակ աչքերով, հետո բացեց աչքերը՝ Սոնան լաց էր լինում իր գլխավերևը:

Դիլանը վրա նստեց՝ սայլը թեքված էր, մի եզն արձակվել էր սայլից և նստած էր Դիլանի մոտ, մյուսը չքատվել ու խեղդվում էր լծի մեջ, սայլի տակ: Սոնայի ամուսինը չաշշարվում էր արձակվել այդ եզը: Սոնան լաց էր լինում և ժպտում էր լացի միջից:

Դիլանը ելավ բռնեց արձակված եզան ականջից, տարավ պահեց սայլի մոտ: Նետո Դիլանը, Սոնայի ամուսինը, Սոնան սատկելով բարձրացրին սայլի գլուխը, լծեցին եզը: Լինգերով կապեցին անիվները և դանդաղ իջան զարիթափը՝ դեպի գյուղ, որտեղ դեռ դողանջում էին զանգերը:

- Եր՝ մա՞րդ է մեռել,- իր սայլի առջևկից կանչեց Սոնայի ամուսինը:  
Լուր էին, հետո Դիլանն ասաց.

- Ես էի սատկելու, են էլ՝ ավսոս, չսատկեցի:

Սոնան իջնում էր Դիլանի կողքից, իջնում էին լուր, հետո Սոնան  
ասաց.

- Չգիտեմ, Դիլան, չգիտեմ:

- Կմիկդ լացկան է,- քիչ հետո ասաց Դիլանը,- բանի պետք չի:

- Ես էլ եմ ասում,- իր սայլի առջևկից կանչեց ամուսինը,- ուզում եմ  
դուրս անեմ:

- Լավ կանես, ինչի՞ն է պետք,- քիչ հետո պատասխանեց Դի-  
լանը:- Կովարար է:

Նրանք իրար կողքի իջնում էին մյուս սայլի ետևից, մյուս սայլը  
կանգ առավ, նրանք համարյա թե դեմ առան նրա խոտին, Սոնան  
լոիկ լաց էր լինում, մյուս սայլի մոտ տնքաց ու ինչ-որ բան շտկեց  
նրա ամուսինը, հետո պատասխանեց.

- Հա, կյանքս մաշեց, դուրս եմ անում՝ մի կարգին կնիկ բերեմ:

Քիչ հետո Դիլանն ասաց. «Ե՞րբ», և աչքերը փակեց:

- Խոտերը բերեմ վերջացնեմ,- ասաց ամուսինը:

Երկար ժամանակ իջնում էին լուր, Սոնան լաց էր լինում, Դիլանը  
ետ՝ լծին էր ընկել թևերը տարածած և պատասխանեց շատ ուշա-  
ցումով.

- Ճիշտ կանես, ինչի՞ն է պետք:

Եվ Սոնայի ամուսինը այնտեղ լոեց, որովհետև չհասկացավ, թե  
ինչի մասին է խոսքը:

- Ի՞նչը,- կանչեց Սոնայի ամուսինը: - Ի՞նչը ճիշտ կանեմ:

Եվ Դիլանը արձագանքեց դարձյալ ուշացումով.

- Չգիտե՞մ: Չգիտեմ, չգիտեմ:

Ինչքան որ մոտ են կանգնած իրար, այդքան մոտիկից նրանք

իրար էլ չտեսամ:

Դիլանը կրծում էր իր քարը, Սոնան տանում էր իր ջուրը, հետո Դիլանը բարձրացրեց գլուխը՝ ջուր էր տանում մի պառավ:

Դարբնոցի դռանը դարբնի հետ Դիլանը կապ էր հազցնում անիվին՝ հեռվից անցավ Սոնան:

Մի քիչ հարբած, տղերքի հետ Դիլանը լախտ էր խաղում՝ հեռվում մի կնոջ հետ զրուցում էր կարծես Սոնան: Դիլանը լարվեց, բայց այդպես էլ չհասկացավ՝ նա Սոնան էր թե Սոնան չէր, իսկ լախտը ոտքերի տակից փախցրին ու շրխկացրին թիկունքով մեկ:

Իսկ հետո արդեն Սոնան մեռավ: Նրա շուրջը երգ ու լաց էին մրմնջում նրա մայրը, սկեսուրը, կանայք և նրանք, ովքեր նրա հարսանքին ուրախանում էին: Ամուսինը նստել էր պատի տակ՝ գլխին խփածի նման: Հանդիսավոր տխուր էր հաստաճնոտ անտառապահը, որ անշարժ մնաց-մնաց և հանկարծ շուր եկավ ու փլվեց Դիլանի վրա: Դիլանը հենարան եղավ նրան, տարավ ջուր տվեց մյուս սենյակում, որտեղ արդեն իրենց գործերից պատմողներ էին, հաստաճնոտը խառնվեց նրանց, իսկ Դիլանը ջուր բերեց Սոնայի ամուսնու համար, որ ջուրն առավ Դիլանի ձեռքից և չհասկանալով նայեց Դիլանին: Դիլանը նրան ջուր տվեց, նրան դուրս բերեց պատշգամբ, հենվեցին բազրիքին, հետո թե ինչպես եղավ՝ Դիլանը գրկեց այն սյունը, որ գրկում էր Սոնան, և այստեղից նայեց այգուն, հնձանին, հնձանի լուսանցքին և այնտեղ տեսավ ինքն իրեն՝ գալար-գալար եկող Դիլանին, ու լսեց հարսանեկան տխուր-տխուր երգը: Եվ տեսավ կոշիկ խնդրող Սոնային ու լսեց հարսանեկան ուրախ-տխուր երգը, և տեսավ սյունը գրկած Սոնային ու լսեց հարսանեկան ուրախ-տխուր երգը, և տեսավ մի կնոջ հետ զրուցող Սոնային և հասկացավ, որ նա Սոնան էր և խոսում ու նայում

Եր լախտ խաղացող Դիլանին ու լսեց հարսանեկան ուրախ-տիտուր երգը:

Եվ բաց բերանով Դիլանն օդ աղերսեց և օդ չկար, իսկ անտառապահը Դիլանին շշնջաց. «Փոսը փորե՞լ են թե չեն փորել», և Դիլանը հատ-հատ իջավ սանդուղքներով, գնաց վերցրեց բահն ու քլունգը, և այդ ժամանակ Սոնայի ամուսինը սանդուղքներով գլորվեց ու բռնեց բահը և ոռնաց. «Մի տարե՞ք», և Դիլանը նրան մեղմ գրկեց ու շոյեց, անտառապահը նրան վերև տարավ:

Իսկ Դիլանն արևի տակ բակում մենակ էր, հետո ելավ բակից, ցանկապատին երեխաներ էին նստած, նայում էին դեպի մեռելատուն և նրանք սիրելի էին Դիլանին, գնաց արևի տակ շոգ ճանապարհով:

Եվ պառկելով, իր հասակով չափեց տեղը և փորեց, և հողը կարծր էր ու տեղի չէր տալիս բահին ու քլունգին: Հողը ետ էր տալիս քլունգը, իսկ Դիլանը խփում էր: Դիլանը փորեց փոսը, հողը դուրս տվեց, թաղվեց փոսի մեջ. փոսի մեջ հիմա չէր երևում, ներսից դուրս գցեց վերջին բահ հողերն էլ, քլունգն էլ, բահն էլ, և ինքը փոսից դուրս չեկավ:

Թափորը գալիս էր:

Դիլանը կանգնեց փոսի մեջ, ուզեց դուրս գալ փոսի միջից և չկարողացավ: Եվ թույլ-թույլ ժապտաց ու նայեց հեռու թափորին, որ բերում էր նրա լուսե մեծ Սոնային գերեզմանոց, և դարձյալ թույլ-թույլ ժապտաց և ուզեց դուրս գալ փոսից և չկարողացավ: Ծալմլվելով ոչ այն է նստեց, ոչ այն է ընկավ փոսի հատակին:

Թափորը եկավ, ահազմացավ, սևավորները մեջ առան լուսե մեծ Սոնային, հետո անձրև շրխկաց. մի ակնթարթում սևավորները թաղեցին Սոնային, հավասարեցրին հողը և գնացին՝ իրենց հետ տանելով ետ նայող ամուսնուն, մորը:

Դիլանը նստած էր գերեզմանաքարերի մեջ անձրևի տակ և թույլ-թույլ ժպտում էր:

Այդպես թույլ-թույլ ժպտում էր և իր հարսանքին, երբ կատաղած թմբուկը կարկտահարում էր ուղղակի ականջների մեջ, հարբած հարսանքավորը ծղրտաց իր միակ շնորհքը՝ «այ-շի-հա»՝, լուր լաց էր լինում բարի տխուր աղջիկը, ցանկապատի վրայով ձի էր թռցնում հաստածնոտ անտառապահը և երջանկությունից խաճում-խաթուն էր կտրել իր մայրը: Ամեն ինչ, ամեն ինչ նույնն էր: Երեխաները վագելով ուղեկցում էին հարսանքիքը, թառում էին ցանկապատերին, նայում էին խնձորներին՝ որ պտտվում էին հարսանքավոր ժողովրդի գլխին, Սոնային մի քիչ նման մի աղջնակ հարսանքին նայելու ցանկությունից ուղղակի պայթում էր և չէր կարողանում բարձրանալ ցանկապատին, իսկ այդ խեղկատակ զուռնան այնուամենայնիվ շաղ էր տալիս մեծ ուրախություն և ճարդ ուզում էր ժպտալ, ծղրտալ, բայց չէր լինում, Դիլանը չէր կարողանում: Ամեն ինչ նույնն էր, իսկ այն պատանին ահա շշմած ու տխուր է, գուցե նա սիրում է հարսին: Դիլանը հասկանում է նրան, տխրում է նրա տխրությամբ: Հարսը լավ աղջիկ է, նրա պարը գեղեցիկ է: Դիլանը հարսին սիրում է, Դիլանը սիրում է հաստածնոտ անտառապահին, որ հարսին պարեցնում է, բայց այդ խեղկատակ լացը բռնել է Դիլանի կոկորդը, և Դիլանը ժպտում է տխուր, բարի:

Մի կողմ քաշված՝ հարսանքը դիտում ու լաց էր լինում Սոնայի սևավոր մայրը, և դարձյալ օդ չկար Դիլանի համար:

Իսկ հարբած հարսանքավորը հանկարծ հիշեց իր միակ շնորհքը և ծղրտաց. «այ-շի-հա», և նրա կանչի հետ թեժացավ պարեղանակն էլ, տաքացան պարողներն էլ:

Եվ, տանը, խմեցին, կերան, երգեցին նույն երգը հարյուր տարվա շահել կյանքի ու դրանից հետո էլ ծեր կյանքի մասին: Եվ շոգ էր Դիլանի համար, խեղդող շոգ էր:

Դիլանը դուրս եկավ, իջավ բակ, մոլորվեց բակում, դուրս եկավ բակից, ցանկապատին հենված վերև էր նայում տիսուր պատանին: Վերևը, խուլ երգում էին բոլոր հարսանիքների նույն երգը:

Դիլանը մոլոր մոտեցավ պատանուն, պատանին հեռու աշխարհ-ների հատակից նայեց ու չտեսավ Դիլանին, հետո նրանք երկուսով ցանկապատին այդպես հենված նայեցին վերև, ուր հարսանիքն էր ու երգում էին հարյուր տարվա ջահել կյանքի մասին: Յետո Դիլանն ու նա թիկունք դարձրին հարսանքատանը և գնացին մութ ճանապարհով: Դիլանը կախվեց կարասի մեջ ու գինի հանեց, տվեց պատանուն: Թասը ձեռքին, Դիլանը դարձյալ կախվեց կարասի մեջ, գինի հանեց ու խմեց ինքը: Իսկ հեռվում խուլ մօնոցի պես երգում էին հարյուր տարի միշտ ջահել, նրանից հետո ծեր կյանքի մասին:

Հարսանքատանը երգում էին հարյուր տարի ջահել կյանքի մասին: Զայները խռպոտել էին, պատուհանների գոգերին թառած երեխաները ննջում էին: Նվազը խուլ էր՝ ինչպես քնատի լսած, հետո հարբած հարսանքավորը հանկարծ իիշեց իր միակ շնորհը՝ այ-շիհա՛, ուշըի եկան և կիսատ ծիծաղեցին նրա վրա, հետո մեկը տեսավ, հետո բոլորը տեսան, որ փեսան չկա:

Փեսան փախել է, ծիծաղեցին նրանք, իսկ հարսը անհանգիստ տագնապի մեջ էր:

Փեսան փախել է, ծիծաղեցին նրանք:

Փեսան գերեզմանոցում էր, Սոնայի քարի մոտ, Սոնայի քարը գրկած, գլուխը Սոնայի քարին: Քարը սպիտակ ու թարմ տաշած էր: Քարի չափ անշարժ էր փեսան, անշարժ էին և դեմքը, և աչքերը: Նա-

յում էր անդրաշխարհի խորքերից: Յեռվում երգում էին հարսանելկան նույն երգը: Յետո երգը լսվեց մի քիչ մոտիկից, բայց ցաքուցրիվ. երևի հարսանքավորը դուրս եկավ փողոց: Յետո լսվեց շատ պարզ. «Փեսան վախել-փախել է»:

Այդպես անդրաշխարհից նայելով էլ Դիլանը ապրեց իր ողջ կյանքը. քար ծակեց, խոտ հնձեց, խաղող տրորեց, կերավ կնոջ դրած հացը, չհասկանալով նայեց Սոնայի ամուսնու աննվագ նոր հարսանքին, որ փողոցում համկարծ դուրս եկավ խաչմերուկից, եկավ անցավ երազի տեսածի պես անձայն: Պարում էին, հաստաճնոտը ձի էր թռցնում, փեսան ժպտաց Դիլանին, թմբկահարը թմբկահարում էր, և այդ բոլորը՝ անձայն: Թևերը վեր պարզած կնոջ պարը Դիլանի հիշողության մեջ երկար մնաց:

Կախարդվածի պես Դիլանը ուզեց գնալ հարսանքի ետևից, կինը մեղմ պահեց նրան, Դիլանը կանգնեց, հետո երկուսով քայլեցին և յուրաքանչյուրը նայում էր այլ կողմի վրա, կարծես խօսված էին:

Այդպես էլ նստած է հիմա ժայռի տակ, առվի անցքի մոտ: Աշուն է, թերև քամի, այգին տերևաթափ է ապրում, ծխում են խաշամի կույտերը, շարժվում են սիմինդրի չորացած տերևները: Եվ այդ ամենը լուր է, ինչպես հեռու ձյուն դրած արևոտ սարերը, լուր է, ինչպես խուլի համար: Ծերունին ելնում է, հուշիկ քայլում այգով, վրա դնում ցանկապատի դուռը, գնում փողոցն ի վար, և կյանքը նրա կողքով ընթանում է լուր, հեծանվորդները՝ անաղմուկ, անցավ ու էջքի գնաց մարդատար գեղեցիկ ինքնաթիռը՝ անաղմուկ, հովտում, արևի մեջ փուված է քաղաքը՝ անաղմուկ, թերնեբերան լիքը ջրանցքը հոսում է լուր: Թերև կառույցի տակ պաղպաղակ են ուտում՝ լուր: Խոսում են, քայլում են, անցումները կտրում են, ծիծաղում են, խոսում են լուր: Թերնատար վիթխարի ավտոմեքենաները բետոնե կառուցվածքներ

Են տեղափոխում՝ լուռ: Փողոցը կտրեց անցավ մանկապարտեզը՝  
լուռ: Աշխարհը կարծես ընթանում է ապակու ետևում:

Ծերունին, ցածր, լսում է իր հին սիմինդրի խշրտոցը և, ցածր,  
հին հարսանելան երգը հարյուր տարվա ջահել կյանքի մասին: Ծե-  
րունին դանդաղ գնում է իր ցածր երգի հետ:

1966